
RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.
Advertentie limrah: f 0,15 sagaris;
(apes: f 1,25).
Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.
Hoofdredacteur:
B. S O E M A R N A
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA
1 taoen . . . f 6,— } njoewoen kabajar
1/2 „ . . . f 3,— } roemijin.
3 woelan . . . f 1,50 }
Adresipoen Redactie lan Administratie
IGNATIUS-COLLEGE
DJOKJAKARTA.

Drukkerij „Canisius“ Djokja.

NGATOERAKEN
KASOEGENGAN
ING DINTEN RIAJA
P A S K A H.
Redactie lan Administratie.

PRADJA RAHAJOE

80 TAOEN TANPA WONTEN INDAKIPOEN.

Amrih sampoen kesangeten, oe-
ngel-oengelan poenika koela gantos
„80 taoen prasasat tanpa wonten
indakipoen.“ Poenika poenapa ta?
Kapinoedjon koela maos „Tijds-
schrift van Nederlandsch Indie“
taoen 1850 djilid II katja 217. Ing
ngrikoe wonten pambantoe ingkang
namoeng nanda astani
20 Mei 1850. Poenika ngrembag
bab kawontenaning bangsa Djawi,
makaten:

„Tjina ikoe kaleboe éwoné bang-
sa, kang kembang lambéné moeng
„mboewang tjatjing, oléh, tambra.“
Tjina ikoe ngerti, jèn wong Djawa
ikoe ing bab ékonomi ringkih, ma-
dek déwé ora bisa, moelané jèn di-
oempak, dineng-nengi barang sing
réméh-réméh, bandjoer kena diblè-
djé. Tjina kang manggon ing désa,
kerep baé jèn krambil-krambil ing
kono dioendoehi, mèh kabèh dadi
doewèké, lan marga awèh poersekot,
bakda panèn pariné mèh kabèh di-
poendjoengaké marang Tjina maoe.

Wong Djawa ing désa-désa (ma-
lah prijaji ija ora koerang) ikoe
oeripé ora ngélingi dina ing boeri.
Sapa baé sing doewé doewit, o-
gampang banget enggoné bisa mboe-
djoek wong Djawa, soepaja nge-
dola barangé moerah-moerahan.
Terkadang enggoné gelem diboe-
djoek ikoe marga wis ketjemplong
ing djoegangan saka koerang ngati-
atiné dèk bijèn.

Awèh poersekot kanggo nandoer
pari ikoe patrapé mangkéné: Nga-
repaké tandoer, wongé tani diwè-
néhi pari oepama 1 amet; bésoek
jèn panèn, koedoe mbalèkaké ma-
rang Tjinané 3 oetawa 4 amet. Jèn
wongé tani oetang doewit f 1 nga-
repaké panèn, bakda panèn jaikoe
mangsane pari moerah, koedoe
mbalèkaké woedjoed pari pengadji f 3.

Oepama si Tjina enggoné golèk
bati moeng setaoen baé, ora dadi
apa, kapitoenané wongé Djawa ija
moeng sapisan dji, nanging ora,
Tjinané enggoné minteri teroes baé.
Tjina ikoe akal, moelané ngoedi soe-
paja wong Djawa katekem ing ta-
ngané, perloené soepaja enggoné
golèk bati bisa nganti lawas. Ka-
priyé patrapé? Mangkéné: Jèn si
Djawa mbalèkaké oetangé, mangka
dewèké (= si Tjina) ora koewatir
kapitoenan, bandjoer étok-étok soe-
manak, wongé Djawa moeng dik-
on mbajar rong prateloné disik. Masti
baé wongé Djawa seneng, nanging
ora ngertia, ikoe djeboel poeloet.
Dadiné bésoek jèn panèn, bisa saja
bati manèh. Lawas-lawas Tjinané
saja ngangseg, woésana krambilé
si Djawa kena dirampas moeng sa-
rana poersekot satitik.”

Mangga para maos, pandjenengan
raos-raosaken 80 taoen kapengker
kawontenanipoen kados makaten,
samangké inggih prasasat taksih ka-
dos makaten, mangka sapoenika
poendi-poendi sampoen wonten se-
kolahan. Saking pamanggih koela,
sekolahan poenika mbok Universiteit
pisan, boten katah paédahipoen, ma-
nawi wewatekan boten dipoensakè-
aken. Mangga kagali: Tjina min-
dring satoenggal, boten mambet
sekolahan, teka saged neloekaken
tjijang Djawi ing padoesoenan pin-
ten-pinten atoes, dalasan djempolan
asring toemoet telok. Poenika na-
moeng margi tjijangipoen Djawi waoe
watekipoen taksih sami kalijan we-
watekan 80 taoen kapengker.
poen P. D.

Isinipoen: 80 taoen tanpa wonten indakipoen — Ngitjali nama awon — Katrangan
saking Soerakarta — Serat kintoenan — Wedaring pangoda raos — Saking pakempalan
— Indonesia Raja lan Wilhelmus — Ontjèn — Oerap-sari — Correspondentie.

NGLEBETI NORMAALSCHOOL.

Ngatoeri pirsu bilih: „Toelating
examen“ kanggé Normaalschool èstri
ing Ambarawa béndjing tanggal 26
lan 27 Mei 1930. Sinten ingkang badé
nglebeti, kénging njipeng wonten ing
Zusteran.

Meisjes - Normaalschool
ZUSTERS FRANCISCANESSEN.

NGITJALI NAMA AWON!!

Koela poenika taksih nama laré,
awit koela taksih sekolah. Nanging
sampoen wonten pangkat nginggil
pijambak, dados mèh tammam. Mila
koela matoer doemateng para sadè-
rèk sadaja kémawon, ingkang sam-
poen tammam, oetawi ingkang taksih
sinaoe, soepados soegengipoen sam-
poen ngantos ngoetjemaken asma
pandjenengan pribadi, oetawi na-
maning pamoelangan pandjenengan
roemijin oetawi sapoenika.

Koela namoeng badé damel oe-
pami, oepami waoe kados ngandap
poenika:

1e. Oepami wonten sadèrèk ing-
kang sampoen tammam, saking pa-
moelangan koela sapoenika (koela
namani A. B.), poenika bokmanawi
oetawi oepami lo; ladjeng kagoengan
tindak kirang saé, oepami sami nilar
piwoelang Agami Katholiek, boten
moertat lo, nanging awonipoen
ngoengkoeli ingkang moertat. Oe-
pami tindak dateng Grédja namoeng
perloe pados sawangan, nanging
ingkang mawi mripat, lan mawi
rasoekan idjem, sanès retja nanging
saged ngendika poenika; malah-ma-
lah dipoentambahi ngadjak laré
abangan, namoeng preloe kaadjak
kados makaten waoe. Mawi dipoen-
wedjang: „Mengko jèn ana ngGrédja,
jèn akoe djèngkèng ija miloea djèng-
kèng. Jèn akoe gawé kaja ngéné
(tanda Salib) kowé ija nirokna baé.“
Wah sadèrèk kados poenapa awon-
ipoen poenika sadèrèk? Laré abangan
waoe nama kawewahan awonipoen;
mangka gèk laré waoe sampoen
naté remen dateng Agami Kath.;
mestiniipoen sapoenika ladjeng ngo-
lok-olok, menawi Agami Kath. poe-
nika awon. Mangka ingkang awon
sanès Agaminipoen, nanging tjijang-
ipoen. Kadjawi poenika moeroegaken
pisahing sasedérékan. Amargi. . . .
(kaisénana pijambak!) Sarta malih,
oepami ingkang atindak awon waoe
sadèrèk wedalan A. B. katah, ladjeng
dipoensepèlèkan mawi temboeng.
„O mèmpèr, wong weton sekolahan
A. B. arep Katholieka kaé wong
weton kono ta, ja mèmpèr.“ Poenapa
poenika boten asoeraos manawi
sadaja-sadaja laré wedalan A. B.
awon sadaja oetawi ratjakipoen
awon? Rak kodjoer ta sadèrèk. A-
wonipoen boten namoeng kasanggih
pijambak, nanging oegi dateng tjijang

sanès ingkang bokmanawi laré waoe
awis sanget ingkang anggadhahi ko-
toring manah. Lo, boten kok teges
laré-laré ing A. B. (oetawi koela)
poenika saé-saé oetawi oetami sadaja:
nanging rak inggih nama tjilaka ta.
Nanging sampoen ngandika makaten,
„Wé la, malah beneran ta dik
kanggo andap asor, wong adik pada
betjik-betjik baé kok, toer iki dong
mangsa pasa.“ Adoeh, lé nggandem,
rasané: kalah wong dirawé; ana
mati raga djaré dalané kaja meng-
kono, andak nama andap asor poe-
nika? Wosing-wos awonipoen mrika-
mrika tanpa witjajan. Boten sandé
damel doeka Dalem.

2e. Srananipoen soepados nama
awon waoe itjal, boten sanès na-
moeng: a. Soegeng pandjenengan
ingkang wonten djawi kedah oetami
saèstoe, mangké rak angsal pangale-
man, apes tjijang ingkang pirsu
ladjeng kepéngin. Sarta namaning
sekolahan A. B. sageda aroem, ge-
gandengan lan adjenging Agami kita.
b. Para moerid ing pamoelangan A.
B. ingkang angsal nama awon wa-
oe, atindaka oetami, sampoen sami
déham-déhem of plèrak-plèrok, soe-
pados manawi wonten tjijang ngjek-
tosaken dateng A. B. boten moe-
ngel: „O, mèmpèr, la wong jèn
ana ndjero baé kaja mengkono,
lajakta jèn ana djaba kaja ngana.“
Nanging manawi pandjenengan atin-
dak oetami: „E, déné jèn ana A. B.
kaja ngono, généa jèn ana djaba da
ala-ala.“ Lo poenika oengeliipoen
ingkang kirang pandjang nalaripoen.
Béda kalijan ingkang. !

Pramila atoe koela ingkang saé
oetawi bakoe ingkang a. Nanging
ingkang b. inggih kedah oetami,
soepados koentjara, aroem namani-
noen sadaja-sadaja saé. Moegi ka-
galiha: o e p a m i koela waoe. Na-
nging poenika namoeng oepami lo!
Manawi wonten lepating oepami
koela waoe sampoen kirang pang-
poenteniipoen para sadèrèk enèm
sepoeh sadaja. Koela poen:

Andeng-andeng ing tengahing pipi
kiwa: Soenardja.

KOEROESÉTRA

KATRANGAN SAKING SOLO.

La, rak makaten ta sad. Treng-
gana; soewawi sami gandèng koentja,
gèndèng tjènèng tjijang kalih. Sanès-
ipoen namoeng badé andjintel ké-

mawon, inggih kadjengipoen. Kita
sesarengan pados kaprawiran, ngoedi
mandirèng pribadi; ananging boten
soepados ingalem ing lijan, balik
amoeng amrih djembaring Kraton
Dalem kémawon.

Koela sampoen maos katerangan
pandjenengan; toer sampoen mawi
koela talesihaken. Ananging saking
pamanggih koela, poenika dèrèng
bak sreg. Katerangan - katerangan
dèrèng djangkep kanggé amoetoesi:
koedoe oewal saka P.K.W. Seba-
ipoen? Mangké koela atoeaken ing
ngandap. Sapoenika pangandika
pandjenengan roemijin, ingkang
moengel: Sapoenika koela atoeeri
manggali, tinimbang Sw. Tm.
mati poenapa boten lang-
koeng saé kapasrahaken ingkang
kersa nggegesang? Sabar!! koela
kelilana njoewoen priksa; poenapa
jektos (manoe panganggep pandje-
nengan) Sw. Tm. pedjah? Sapamireng
koela boten namoeng pandjenengan
kémawon, sadèrèk sanès oegi wonten
ingkang kagoengan panginten ma-
katen; dados pandjenengan boten
mijambaki; sajang sanget, déné
wonten panggalihan makaten. Pedjah
makaten rak manawi sampoen boten
saged ambekan; ing mangka manoe
andaranipoen rama administrateur
sakedik - sakedik rak taksih gadah
saldo, ingkang kénging kanggé
nggegesang toewin pantjadan lan
bokmanawi kalijan mlampah saged
mindak oetawi apesipoen adjeg.
Paralengganan toemoet dipoenwitjal
ta? 1)

Poenapa sapoenika ingkang prajogi
dipoentindakaken manoe pamanggih
koela? Makaten: samanten poenika
manawi kagem; boten kagem inggih
sampoen; tjijang poenika namoeng
njaosi rembag, poenapa malih na-
moeng woedjoed pitakénan. (Ana-
nging temtoenipoen inggih badé
kagatosaken, sebab objectief saé).

Poenapa ingkang wadjib, sampoen
naliti priksa, sebab - sebabipoen
poenapa déné taoen satoenggal
kalijan satoenggalipoen bab wedaling
arta teka prasasat mèh tiket tekoek?
Sagedipoen manggih sebab - sebab
waoe, manawi njoemerepi kanti
tjita pilah-pilahiing wedalipoen arta
(Specificatie der uitgaven). Inggih
leres (ingkang kawaos ing kongres
koela gadosaken sadaja) roemijin
sampoen kaandaraken déning admi-

1) Sapoenika sampoen toemindak tigang
woelan, administrateur dèrèng ngoetjoli
kantong saldo. Abonnè katah ingkang sami
netepi kawadjabanipoen. Soemangga, ingkang
dèrèng énggala noetoeti. Adm.

nistrateur i.p. margi Sw. Tm. dipoen-
agengaken. Poenapa namoeng poe-
nika tok sebabipoen? Sebab - sebab
sanès taksih wonten. La, poenapa
poenika??

Tjekakipoen kedah ngertos tjeta
lan terang; samangsa sampoen
gamblang, ladjeng ngréka daja toe-
win nalesihaken, poenapa saged
nindakaken bezuiniging. Uitgiven
ingkang sakinten kirang perloe sanget
dipoenboetjal oetawi dipoen-
elongi. Oepami: doemoegi sepriki
para lengganan tansah dipoenkin-
toeni postwissel tagihan mawi enve-
loppe; poenapa wissel waoe boten
saged kalampiraken ing koran? La
jèn saged katindakaken, poenika
sampoen ngirit dasanan roepijah,
jèn boten atoesan. Poenika namoeng
uitgave satoenggal; déné uitgaven
sanès poenika poenapa oetawi
poendi, koela boten ngertos; soe-
mangga dipoensetitièkaken sarana
njoewoen priksa dateng rama admi-
nistrateur rak pareng kémawon.
Inggih ta rama? 2)

Atoer koela ing nginggil poenika
soemangga; boten wonten awonipoen
manawi katjobi. Tjekaking rembag
sadaja-sadaja poenika kedah katle-
sihaken sadèrèngipoen moendoet
poetoesan. (Saged oegi wonten ing-
kang ngandika: wis ditalèsihaké
kabèh, kowé weroeh apa? Koela
boten mangsoeli débatan koela pi-
jambak; nanging namoeng badé
njenjadang saking sanès; mangké
temtoe koela tjaoesi wangsoelan).

Sadèrèk Trenggana poenika warga
K. W. ing Solo; dados bokmanawi
tjelak (anggen koela matoer bok-
manawi poenika, sebab dèrèng tem-
toe jèn tjelak, awit dalem ing Wa-
nagiri, éwadéné meksa saged dados
warga K. W. ing Solo; kok andjoe-
warèhi koela inggih?) kalijan poe-
sering K. W. - K. W. alijas P. K. W.
dados inggih saged langkoeng actief
njaosi rembag katimbang koela.
Saking pangadjeng - adjeng koela,
sageda tjijang Katholiek Djawi les-
tantaon anggadhahi koran Katholiek
Djawi.

Déné manawi sampoen ichtijar
temen - temen, sampoen ngoepados
réka-daja mawarni-warni, teka boten
saged sajektos, inggih kados-poendi
malih. Ananging kita jakin, manawi
nijat temtoe badé kijat. Wasana
soemangga.
Penonton.

2) Sawantji-wantji kénging kémawon; poe-
napa bestuur pijambak, poenapa oetoesan;
saha kita ngadjeng-adjeng rawoehipoen ve-
rificatie - commissie ingkang sampoen ka-
tetepaken nalika kongres 16-3-30. Adm.

MULO KATHOLIEK

ING JOGJAKARTA LAN ING SOERAKARTA.

- Para moerid ingkang badé nglebeti Voorklas oetawi Klas I
moegi sami njaosana priksa doemateng Dirèktoering pamoe-
langan waoe. Kanggé ing Soerakarta adresipoen:
BROEDERAN KOESOEMAJOEDAN;
kanggé ing Jogjakarta KAMPAMENTSTRAAT 17.
- Menggah moerid ingkang katampi:
a. kedah mbekta oetawi ngintoenaken verklaring saking
pangagenging pamoelanganipoen.
b. adresipoen ingkang tjeta.
c. panampinipoen moerid doemoegi tanggal 1 Juli.
- Déné laré ingkang boten gadah verklaring badé dipoen-
eksamen: kanggé ing Soerakarta, eksamenipoen béndjing
tanggal 1 lan 2 Mei wonten ing pamoelangan Mulo ing
lodji ingkang poengkasas ACHTERSTRAAT; kanggé ing
Jogjakarta béndjing tanggal 28 lan 29 April wonten ing
pamoelangan Mulo KAMPAMENTSTRAAT.
Kanggé ing Soerakarta, sadèrèngipoen tanggal 30 April
sasampoena njaosi priksa doemateng adrès kaseboet nginggil;
kanggé ing Jogjakarta sadèrèngipoen tanggal 27 April.
- Bab bajaran sekolah mitoeoet pranatan Goepmèn.
- Ing pamoelangan R.K. Mulo poenika dipoenwonteni wo-
elangan basa Engelsch, Fransch, Duitsch, Djawi, Mladjeng
lan gymnastiek.
- Déné woelangan Agami boten dipoenwadjabaken.
- Wiwit tanggal 1 Juli R.K. Mulo ing Soerakarta, pindah
wonten ing tilas „Hotèl Döhne“, satjelakipoen Goepmoeran.

SECRETARIS CANISIUSTICHTING.

SAKING PAKEMPALAN.

Verslag W. K. af. Soerakarta.
8-4-'30

Manggèn ing Kath. Europ. School
Koesomajodan.

Karawoehan Bestuur lan warga—
G. A. rama H. Koch — lan wakil
C. C. Solo. —

Kirang langkoeng djam 5.30 ver-
gadering kabikabik déning pangarsa
kanti soesila Kath. Ing saladjengi-
poen ngrembag :

a. Notulen — afsahl!

Gandèng lan oengeling Notulen
lami, njeboetaken bilih W.K. mang-
galih bab C.C. minangka kanggé
nglegani pamendoetipoen bestuur
P.P.I.I. soepados W.K. af. Solo
sok njerata wonten ing „Isteri.“ La-
djeng ndapoek bebadan kadadosan
saking Mevr. J. Poerwaatmadja lan
Mej. Th. Soealbirah.

b. Verslag Congres P. W. K. —
Sasampoening karembag ladjeng
wonten poatoesan bilih W.K. Solo
toemoet manoenggil wonten ing
P. W. K.

c. Voorstel Statuten P. W. K. —
poatoesaning parepatan kapasraha-
ken dateng pangreh—lan pangreh ing-
kang sampoen ngrembag — rembag
kalijan rama G. A. moefakat ran-
tjangan P. W. K.

d. Voorstel jèn parepatan wonten
ing grijaning warga — katampi.

e. Pitakénan!!

Bab prekawis „Maria Congrega-
tie“ af. Wanitho— Pangreh ba-
de „bekerja dengan keras“ gega-
joetan kalijan angeling oeroesan i.p.
Rama Directeur karsa ngasta jèn
apas wonten warga 30 lan sami
sregep netepi koewadjabaning poetra
„Maria Congregatie.“

f. Rembagipoen pangarsa C. C.
Solo— ngatoeraken gending panoe-
woen, déné W. K. karsa migatosak-
ken C.C. K.W. — P.P.K.D. — mra-
tandani bilih W.K. ngertos dateng
„de geest des tijds“ lan njrijosaken
sepinten gending ginanipoen kita dje-
mangkah wonten ing „Journalistiek
terrein“ kinantèn ngatoeraken „eere
saluut“ dateng C.C. W.K. ingkang
nembé lair, saha njoeuwen moegi
sampoen ngantos nilar „pers“ kita.

g. Pangarsa W.K. moendoet priksa
soepada C.C. K.W. — P.P.K.D. —
saged samenwerking lan C.C. W.K. —
Bab poenika kaatoeran wangsoelan
kanti mongkoking manah „Sagah
mawi sanget.“

Kirang langkoeng djam 7.30 ka-
toetoept kanti padatan Katholiek. —
Verslaggever C. C. Solo
A. J. S.

Naschrift.
Nitik geest ing salebeting pakempalan waoe
ketinggal bilih „Christelijk Solidarisme“ sampoen
mlebet ing sanoebaning kadang Kath.
wanita. — Ingkang makaten waoe, mila ke-
dah sampoen samestinipoen. — Kadang Kath.
wanita „bergeraklah oentoek menolng bang-
samoe jang masih ada dalam kegelapan.“

R. K. Padvinderij
„De Morgenster.“
Kala tanggal 9-4-'30 pakempalan

kasboet nginggil ngwontenaken pe-
pangghian wonten ing Pastoeran, ka-
toentoen Rama Almoezener H. Koch
S. J.; ngrembag prakawis H.R.K.P.B.
jasa Javaansche Heeren Cengrega-
tie; toewin ngrembag prakawis sa-
nès-sanèsipoen malih, poenapa déné
mangandikaken panggalihanipoen
Swargi rama Pastoer Van Lith lan
Padvinderij. Tjekakipoen Padvinderij
makaten sanjata „de school der ka-
raktervorming.“ C. C. Solo
H.

Saraséjanipoen para Goeroe
sekolah dooesen missie ing Blitar,
tg. 12 April 1930, djam 7 sonten—10.

Ingkang rawoeh 16; ingkang 3
goeroe H. I. S. Joh. Gabr., toewin
padoeka Rama Pastoer. Leideripoen
sad. A. S. Martasoedarma. Menggah
ingkang karembag: adjenging sako-
lahan dooesen kagoenganipoen Mis-
sie ing Blitar.

Kedjawi poenika ngrembag moerih
Leerplan, Rooster lan Staat — staat
uniform, tegesipoen soepados sadaja
waoe sami sadaja toemrapping seko-
lahan Missie.

Déné ingkang dados rembag ramé,
i. p. oesoel ngwontenaken „Cursus
goeroe dooesen.“ Ingkang karembag
inggil poenika: laré ingkang poendi
ingkang katampi ing cursus: Kath.
poenapa sanès. Ingkang dipoenkoe-
watosaken sad. M.S. Brotssoedirdjo
bokbilih laré ingkang dèrèng Kath.,
ngantos medal dèrèng poeroen aga-
mi; kang mangka missie boten kersa
benoem goeroe ingkang sanès Kath.
Déné manawi badé mendet laré Kath.
boten wonten. Rembag poenika waoe
ngantos dangoe.

Tjekaking rembag badé oesoel da-
teng Missie, ngwontenaken cursus wa-
oe nganggé woelangan agami. Déné
sanèsipoen badé kapasrahaken Missie.

Rembag ingkang preloe koela serat
ing riki i. p. bab gesang Kath. Kita
sadaja dipoentetangi moerih gesang
ingkang saé, sampoen ngantos dados
tjatjading tijang sanès.

Kateranganipoen sad. Brotssoe-
dirdjo pandjang lébar. Déné bab Huis-
bezoek, poenika kaadjengna ingkang
sanget.

Watawis djam 10 daloe saraséjan
katoetoept kanti wilodjeng.

Gandèng kalijan pakabaran ing
Sw. Tm. No. 15 tg. 11 April 1930,
Missie boten mbikak 3, nanging se-
kolahan dooesen 4, i. p. Gemengde
Volksschool 2, Meisjes Volksschool
2. Moeridipoen maremaken sadaja,
i. p. Toeri (gemengde Volkssch.) 96,
Soekaredja (gemengde Volkssch.) 82,
Kepandjèn Kidoel (m. Volkssch.) 58,
Bendagerit (m. Volkssch.) 43.

Kadjawi poenika Missie inggil ba-
de mbikak malih wonten ing satje-
lakipoen Wlingi lan ing satjelaking
Panataran. Manawi saestoe béndjing
woelan Mei.

Moegi-moegi sadaja waoe sageda
soeboer. N. N.

mantjoering tjahja ingkang goemebjar agilar-
gilar nelahi djagad, nginten: malah nganggep
bilih sang api rowang poenika mitra darma
sajekti.

Mitoeroet serat-serat sadjarah, wiwit ta-
hoen, 1600-san langkoeng, héngga doemoe-
gi titining dinten poenika, saja mloroting é-
konominiipoen bangsa pribomei, ndjalari tem-
porat kita. Poenika sampoen boten kénging
dipoensélaki. Sinten ta ingkang kadjabah ndan-
dosi karisakan poenika? Inggil kita pijam-
bak!! Djandji kita poeroen kémawon, boten
sakedik para intelet ingkang poeroen dipoen-
tedani toentoenan. Amargi mitoeroet kija-
kinan koela, manawi kita namoeng tansah
mbetahaken toentoenaning sanès, boten poe-
roen pitados dateng kekijataning badan pi-
jambak, kasembadaning sedija kita inggil
tanggèh lamoen.

Ing parepatan-parepatan, oetawi persoeni-
poen sadèrèk Katolik manawi pinoedjoe dja-
djagongan, kala mangsa asring kepireng tem-
boeng: „Pakempalan Kath. boten dipoenadjeni
dèning sanès“ malah latjoeting rembag santoen
sipat dados pandakwa njepèlèkaken; saking
pamanggih koela keplandrang panginten
waoe bokmanawi salebeting sanoebari sam-
poen ketoewoehan rias kirang saé. Titikan
ingkang premati (ning panginten lo!) déné
taksih katah para sadèrèk ingkang dèrèng
karsa mboektèkaken simpatinipoen. Mitoeroet
wedaring pangodaaras ing nginggil poenika,
kados sampoen radi ngemperi manawi adji
oetawi boten kadjen (katingal) kita, inggil
saking kawontenan kita pijambak. Manawi
badan pijambak sampoen gadah pangadji,
tegesipoen poeroen angaosi sasami, boten
oesah dipoenadjen-adjen mesti badé inga-
osan ing sanès: Ing temboengipoen Maladjeng
„kaloehoeran kita lantaran meloehoerkan se-
sama.“

Konggrès P. K. W. kala tanggal 15 doe-
moegi 16-3-1930 kapengker, manawi mitoe-
roet kepentinganipoen pantjenipoen parepatan
warga: ananging sareng nitik woedjoedipoen
teka sadjak dados openbaar. Ing mangka oe-
pami openbare, kok boten wonten wakil
saking ndjawi satoenggal-toenggal; mangka
kita Ngajodja poenika kados inggil wonten
pakempalan-pakempalan sosial, pakempalan
toenggil damel sarta politiek. Eé anoe ta!
anggen koela ngraoi pakempalan politiek,
déné P. P. K. D. katingal ngatjoeng; ing
mangka oepami boten dipoenoelemi, nalari-
poen boten mantoeck, samanten oegi persoon
saking ndjawi (penonton) oegi sepen. Ewa-
samanten saged oegi kaanggep parepatan
Combinatie, nanging namoeng binasinipoen
salebeting kalangan Katolik kémawon. Ma-
nawi tatananing pangreh P.K.W. namoeng
tansah makaten kémawon, diwasanipoen pa-
kempalan kita kaseboet badé kedangon te-
banging polatanipoen boten saged saja oetawi
tambah djembak, malah saged oegi gagajoe-
tan ingkang dèrèng, mèh, oetawi sampoen nama
ketjepeng, onja saking tangan. Tjoba koela

VAN LITH-STICHTING.

Ingkang dèrèng
dados contribuant
koela atoeri ngisèni
serat kasagahan.

Pangreh V. L. S.

Bijz. H. I. S.

MAGELANG.

atoeri tjihna sakedik: Toemindakipoen v. Lith
fonds ingkang sanadyan sampoen moenggoeh
sanget ngajom wonten P. K. W., ing wo-
esana énggal mangké dipoenpedjahi kagantos
nama „van Lith Stichting“ toer oewal sa-
king tangnipoen P. K. W. Bab poenika
semoenipoen boten dados pamanahan lebet,
kapara malah pinoedji wonten ing oedjiana
ngriki. Kaping kalih Swara Tama sapoenika
kaasta déning Missie, ingkang mitoeroet ka-
ranganganipoen, tjarijosipoen sampoen sarana
hijeng K.W. — K.W. Moegi-moegi kantoen
satoenggil Roekiti — Woeri kémawon sageda
widada tjotjog kalijan pawartos saé ingkang
koela pirem, amargi poenika langkoeng ga-
wat sarta roempi tinimbang kalih bab ing-
kang roemijin. Njoeuwen ngapoenten ngantos
mèh keplandrang.

Djalalan saweg ketembèn poenika, koela
njomerepi sarta toemoet manah sipating
konggrès P. K. W. mantoeckipoen kalijan ka-
wontenan, ngantos ewed anggen koela badé
mastani. Amargi mitoeroet tjarijosipoen pa-
kempalan sanès, ingkang poeroen sasarengan
njaboet damel kalijan pakempalan sanès,
manawi badé ngawontenaken oepami: 1
Open. vergadering, 2 Alg. openbare verga-
dering, 3 Combinatievergadering, 4 alg. le-
den vergadering sarta 5 Besloten vergade-
ring, pangreh kadah ngoengak kepentingan-
ing rembag roemijin sarana (ingkang no. 1,
2, 3) sarana njedahi pakempalan sanès oe-
tawi persoon sanès ingkang kamanah saged
anamahi prajogining lampah, moerih saja
miraosing wohipoen parepatan.

Andaran ing nginggil poenika boten pisan-
pisan mengkoe raos amamaoni, oetawi mas-
tani manawi konggrèsipoen P. K. W. boten
saé, oetawi oetoesan pakempalan sarta club
sanès, boten dipoenoelemi; o poenika boten.
Koela pantji loeoge namoeng anglairaken
pangoda raos. Ewa déné pangoda raos kas-
boet manawi kagalih leres, tegesipoen leres
anggenipoen kirang leres, mestinipoen pangreh
P. K. W. boten kawraton angéwahi sapa-
loenipoen, soepados ing tembé saged angwon-
tenaken woh ingkang sampoen kelampah.

Gadjeipoen warganing pakempalan poe-
nika kaseboet ing huishoudelijk Reglement,
gadiah wewenang matitisaken arta kas dalah
boekoenipoen, sarana njoeuwen idin dateng
Pangarsa. Menggah perloenipoen, 1 para war-
ga saged gadah kapitadosan kandel, 2 Pa-
ngreh ladjeng sami ngatos-atos, 3 saepami
tatanan kasboek kirang saé ladjeng saged
dipoenprajogèkaken. Amargi sanadyan tijang
(hartaka) sampoen roemaos pinter, saged ké-
mawon lampah boten saged mrana ta wa-
djibing kahartakan. Oetawimalih tindak poe-
woengan, ngangkah poenapa, sarta pitadosan,
ing wkdal poenika sampoen boten kanggé.

Anggen koela kepekasan anglairaken oeloering
gagasan ngantos samanten poenika, kabekta
saking njomerepi dateng oreng gedering djawi
idjap raos kados gègèr-gègèra, ning dédé

INDONESIA RAJA LAN WILHELMUS

ING

MOSVIBA MADIJOEN.

PERS POETIH PEMBOHONG!

Sw. T. dinten poenika, ngewrat
ringkesaning paniti-priksa bab la-
lampahan *Indonesia-Raja-Wilhel-
mus* ing Mosviba Madijoen. (-mriksa-
sani: Oerap-Sari!) Ing ngrikoe té-
tela bilih babar pisan boten wonten
sedyah mahargja sandjenenganipoen
resident, mawi sasanti Indonesia Ra-
ja. Dados leres kados ingkang ka-
pratèlakaken ing serat sebaranipoen
redactie *Mardi Kasantosan*, kase-
boet ing Sw. T. 4 April no. 14.

Para prijantoe!
Kala soemebaring pawartos: ing
Mosviba Madijoen wonten keda-
dosan prakawis rebat-inggilipoen
Wilhelmus kalijan Indonesia Raja,
serat-serat kabar sami mahjahaken
pamanggihipoen. Pamanggih - pa-
manggih waoe katah ingkang boten
ngroedjoeki tradjanganipoen para sis-
wa Mosviba, kamanah: moerang
tata; boten saé taksih moerid njam-
bi toemindak kenèh-kenèh makaten
poenika, ...sasaminipoen. Kala saman-
ten, koela inggil damel wawasan,
kawrat ing Sw. T. 28 Maart, no. 13.

Sampoen mesti kémawon anggen-
ipoen serat-serat kabar ngriki, oet.
sawenèhing serat kabar Walandi
damel wawasan, poenika awawaton
kabar ing pers Walandi. (-Manawi
koela boten kaléntoe, s.k. *Mataram*
ing Ngajogja, kalebet roemijin pi-
jambak anggenipoen martosaken-).

Dados, kaléntoeing pamawas-
ipoen serat-serat kabar waoe, margi
gorohipoen serat kabar petak. Da-
dos serat kabar petak, ingkang *ke-
dosan* kalijan journalistiek, kedosan
oegi kalijan *tijang katah*. Manawi
kapandjanganing malih, oenderaning
lepat wonten directeur ingkang toem-
indak *groesa-groesoe*, ladjeng ké-
mawon agé-agé tilpoen resident.
— Lepating direktor poenika,
dipoenimbeti malih lepatipoen resi-
dent ingkang ladjeng *goegon-goeg-
onen* tjrijos-tjrijos lan élik élik
dateng sinten kémawon ingkang pi-
nanggih, toer mawi dipoenboemboni
barang!

Sanadyan oenderaning lepat won-
ten prijantoe kakalih ing nginggil,
éwadéné pers petak inggil meksa
kedosan. Awit, ingkang mratahaken
pawartos waoe, wiwitanipoen serat
kabar petak.

Ing *djaman gawat* poenika, teti-
jang Walandi katah ingkang kami-
gilanlan dateng politiek. Tijang ngri-
ki ngaten sekedik kémawon, sam-
poen dipoentjap politiek. Pangraos-
ipoen ing sapoeroeg tansah kaetoet-
aken momok politiek! Moerid éstri
ing Huishoudsch. Ngajogja ngriki
mentas kémawon wonten ingkang
lalajanan kalijan poelisi, margi pa-
dameling goeroenipoen. Moerid
waoe gadah potrèt toegelan. Sareng
dipoentingali goeroenipoen, poen
goeroe moering, teroes tilpoen da-
teng poelisi. Awit, roemaosipoen
gambar waoe gambaring bangsa-
nipoen, lan kaanggep! merendah-
kan, beleediging! Sareng kaeroes,
poelisi saged mangertos, gambar
waoe djeboel gambaripoen tijang
ngendat kala taon kapengker won-
ten margi trèm S. J. S. ing Djoe-
wana, ingkang sirahipoen ladjeng
pisah kalijan gemboeng.

Dados anggenipoen direktoer

Mosviba ladjeng *kesesa* lapoer re-
sident, lan resident anggenipoen la-
djeng tjrijos-tjrijos, poenika *boten
mokal* manawi kabekta saking ka-
mi-gilanan dateng momok politiek!

Mirit tjarijosipoen mr. Fruin gé-
gèmbong *Vaderlandsch Club*,
kala sosorah wonten kita ngriki
(9 April '30) koela saged mangertos
bilih adjeng-adjenganipoen raos ka-
bangsan Walandi kalijan Indonésijah)
pantjen saja katingal. — Mila, *boten
mokal* malih manawi serat kabar
petak anggenipoen damel pawartos
waoe mawi ketjampoeran adjrih mo-
mok politiek lan boten seneng ka-
lijan bangsa ngriki.

Para sadèrèk! Sampoen sawata-
wis lami pers sini sami marabi pers
sana „Pers Poetih Pembohong“ oet.
asring katjekak P. P. P. Kala se-
manten koela namoeng kèndel ké-
mawon. Sapoenika sareng sampoen
meningi ketatalan-ketatalanipoen,
koela inggil saged moenggel toem-
mrapprekawis² ingkang magepokan
kebangsan sini, pers petak kerep
pantes dipoentjap „*Pers Poetih
Pembohong*.“ Sampoen mesti kéma-
won, paraban makaten poenika bo-
ten kedah katoemrapaken sadaja pa-
wartos ing pers petak. *Djer njatani-
poen* koran² ngriki dalasan ingkang
ageng² pisan inggil sami metiki ka-
bar-kabar ing koran Walandi! Ka-
djawi poenika, tijang inggil kedah
èngget kawontenan ing ngalam do-
nja: goroh sapisan baé, sagoenem-
goenem ora diendel. Mila boten
nggoemoenaken manawi pers petak
angsal paraban P. P. P. waoe!

Gandèng kalijan lalampahan ing
Madijoen, tétela bilih actief-ipoen
koran ngriki boten kados koran
Walandi. Saoepami *njarengi* we-
dalipoen pawartos Madijoen ing
pers petak waoe, pers ngriki inggil
matjak kabar Indonesia - Raja - Ma-
dijoen, mbokmanawi boten katah ti-
jang ingkang dados koerbaning ka-
bar dora. *Sedya-Tama* ngewrat pa-
wartos saking Madijoen nggoroh-
aken kabar Mosviba ingkang ka-
wrat ing serat kabar petak, nanging
inggil sareng swasana ngriki sam-
poen kasrambahan gorohipoen P.
P. P. I. (-Éwadéné Sedya-Tama meksa
pantes pikantoeke pangaleman -).

Lalampahan ing Madijoen poe-
nika, sadèrèk, kagema pangèngget-
èngget bilih pers petak dèrèng tem-
toe kénging dipoen-gega. (-Mila sam-
poen mendem pers Walandi!) Na-
nging inggil dados panggoegah
sageda actief-ipoen pers ngriki ma-
pak! oet. ngoengkoeli pers Walandi!

Wasana, — ngenggèni tata-krama —
koela ingkang dados koerbanipoen
kabar goroh, ingkang wonten Sw.
T. no. 13 ndawahaken poatoesan
boten saé toemrap siswa Mosviba,
koela njoeuwen pangksama dateng
para siswa kaseboet, langkoeng-
langkoeng dateng pakempalan, „Ma-
r-di Oetama.“

Namoeng saprekawis ingkang koe-
la welingaken dateng para anèm
sinten kémawon: „Ing salebetipoen
taksih sekolah, sampoen manah pre-
kawis sanèsipoen kedjawi pasinaon!“

Poerwakinanti 12 April '30
Taklim koela
A. S. Dwidjasaraja.

INDONESIER.

CORRESPONDENTIE.

!!! mriksana Sw. Tm. minggoe poenika:
ing ngrikoe sad. sampoen ngaken lepatipoen:
dados kagoenganipoen boten soesah kapatiak.

Sad. S. te Temp. sampoen kita oeroes.
Makaten oegi sad. S. Adipratata.

Para langganan dipoenatoeri énggal-énggal
maring priksa dateng Administratie, manawi
boten tampi Sw. Tm. Kados-kados katah
serat kita ingkang kabégal ing margi.

SERAT KINTOENAN.

Ing Sw. Tm. no. 15 taen 10 tg.
11-4-'30 wingi poenika, Pak B. C.
njerat mawi titel „Tebih kempal,
tjelak pisah“. Karanganipoen tjekak,
aos, toer terang, awit koela toeroes
ngertos damang dateng kersanipoen
sadèrèk B. C. Sadèrèk waoe ngandika
bab pisahipoen Sw. Tm. lan S. K.
wasana kok wonten ingkang moen-
gel: „Dados sapoenika, kantoen
(kénging) milih salah satoenggal
poendi ingkang dipoensening? Ana-
nging jèn langganan ngrangkep, ba-
dénipoen mindak pétanganipoen...“
Ing rikoe sadèrèk pak B. C. rak se-
tengah adjak-adjak, soepados koela
sadaja boten soesah langganan koran
Kath. langkoeng saking satoenggal,
mindak ngawrat-awrati poenapa
kados-poendi, kados Pak B. C. Ma-
lih! ing alinia no. 2 wonten ingkang
moengel: „Poen panjerat loegoeni-
poen aseneng sanget maos serat
pawarti ingkang basa Djawi tinim-
bang sanèsipoen.“

Lhaaa! sapoenika terang jèn Pak
B. C. adjak-adjak soepados sadèrèk
Kath. ngemoengna ngebon Sw. Tm.
tok, awit S. K. basanipoen sanès Djw.
De Koerier oegi... Weeee, lhaa,
memelas ané. Sadoeloerkoe kok isih
ana sing kaja ngono! Wegahan kok
adjak-adjak! Mangka ana ing koran.
Dadia lid P. P. K. D. kaé jèn kersané
kaja ngono koewi rak aloewoeng
ora baé. Kok samono!

Para sadèrèk! koela atoeri maos
sapisan engkas karanganipoen Pak
B. C. waoe, poenapa pantes, kaserat
ing taman kita ngriki? Koela atoeri
èngget! Koran Djw. poenika dèrèng
wonten ta ingkang sampoen njamèni
koran sanès basa? Kados - poendi
saged kita djadjah ing kawroeh jèn
namoeng mligi koran Djawi? Koela
pijambak inggil remen dateng

koran Djawi, nanging koran Mlajoe.
Walandi oegi betah, awit ngènggeti
djamanipoen. Tjekakipoen kita Kath.
sasaged - saged kadah djadjah bab
kawroeh, sarana ngebon koran war-
ni-warni, boten mawang basa, sok
oegi saged lan ngertos. Langkoeng-
langkoeng dateng koran Kath.

La kok saweg wonten kalih ké-
mawon, ingkang setoenggal dipoen-
leléwani, doemèh Mlajoe! Mangka
poenika anggenipoen mentas pijam-
bak waoe (S. K.) margi roemaos
betah, ngiras adjar bawa pijambak,
ngraketaken sadèrèk Kath. sa-Indija,
ngagengaken raos kebangsaan...
wasana saged kagajoe kabetahan
kita ing béndjing jèn estoe Zelf-be-
stuur. Poenapa malih èngget lo!

Sw. Tama — Sosial.

Sw. Kath. — Politik.

Mila sadèrèk, mangga Sw. Tm. lan
S. K. kawaosa sadaja, jèn namoeng
rekaos pambajaripoan sakedik ké-
mawon rak boten dados poenapa,
ngiras ngertos dateng jejasan kita
pijambak.

Wasana njoeuwen ngapoenten.

Papan toelis 12-4-30.

poen

A. Idap.

SERAT KINTOENAN.

Wedaring pangoda raos.

Manawi koela amahan-manah, kawonten-
aning gerakan djaman 25 taenanan sapriki,
kados-poendi menggah tandang lan tradjan-
ipoen para pandékering kamadjenan, ang-
genipoen sami ngempalaken kekijatan, mi-
nangka teteken moerih gampil saha énggali-
poen doemoegi ing don ingkang sinedjari;
langkoeng-langkoeng para babantèng baraban
saking ngatas-angin, pantes sanget ingalemba-
na. Kosok-wangsoelipoen golongan lawan
ingkang betahipoen tjengkah kalijan kapar-
loeaning tijang siti, pandoeowanipoen inggil
angadèd-èdabi. Mawi tjara oetawi tandoeck
kasar, madya oetawa aloes, waaa...
sampoen ta!!! Saking aloesipoen ngantos
wonten sawenèhing golongan kita ingkang
paningalipoen soelap, kebleregan kedajan

O E R A P - S A R I .

K A B A R K A T H O L I E K .

Pangandika dalem I. S. Kg. S. Rama dateng Vastenpredikers.
Sasakit kalih warni ing djamman sapoenika.

Kala para Vastenpredikers sowan audientie sami dipoenpangandikani katah-katah bab wadjibing prediker sarta bab mangrasoel-krida. Pangandika dalem waoe ingkang bakoe:

1e. Bab ndlèjanipoen tijang sepoe babagan wadjib ngreksa anak-anakipoen djaler lan èstri ingkang sampoen diwasa ingkang ladjeng toemindak sakadjeng - kadijengipoen. Djaman sapoenika anggadahi panganggep bapa bijoeng sampoen boten gadah wewenang ngoelataken tindaking djedjaka lan prawanprawanipoen. Kawoesananipoen, ladjeng itjal pengadji-adjinipoen dateng tijang sepoe.

2e. Bab babaja toemrap para anèm, doemoenoeng wonten boekoeboekoe saroe. Boekoe-boekoe saroe poenika waoe boten namoeng moerang tata dateng Pangéran, oegi dateng kodrating manoengsa.

Sampéjan dalem maosaken cataloges boekoe - boekoe saking golongan fascisten, ing ngrikoe pinanggih wonten boekoe ingkang sanget boten dados renaning panggalih. Éwadéné oemoemipoen, boekoe-boekoe wedalan fascisten waoe sami maédahi kanggé para moeda.

Kongregasi Riten.

Tjabangipoen kongregasi Riten sapoenika, saking karsa dalem I. S. Kg. S. Rama dipoenwewahi satoenggal malih, golongan Babad.

Inkang winisoeda dados generalrector nomer satoenggal, pandjenganipoen pastoe Henri Quentin.

Darma kanggé Missie.

Ing Roem wonten panitya saking golongan pabrik lan dagang, sedyanipoen badé njaosi barang-barang dateng ngarsa dalem ingkang sakinten migoenani kanggé betahing Missie, oep. kémawon ingkang moerakabi kanggé sakolahan-sakolahan, apothek, kamar bolah, oegi bab kagoenan — jajasan (bouwkunst) ingkang toemrap sawenèhing mis-

sionaris perloe kedah saged nindakaken.

Panitya waoe dipoenpangarsani tilas minister Openbare werken toewan Cavazzoni, ingkang ladjeng njebar wara-wara dateng sadaja pabrik - pabrik lan toko-toko ing satanah Itali.

Missie Palembang 5 taen.

Tanggal 12 April poenika Missie Palembang mèngeti 5 taenipoen. Pastoe ingkang ngrawoehi Palembang roemijin pijambak pandjenganipoen pastoe van Oortgolongan imam Tyas Dalem, i.p. kala 9 Oktober '24. Kala semanten manawi ngoendjoekaken Mis Soetji taksih manggèn wonten papan vergadering ing landradan. (Raadhuis). Bandanipoen namoengawoedjoed: bangkoe Komini, koersi kanggé sembahjang, gambar kalih lan baboed. Pastoe v. Oort anggènipoen dedalem wonten hotel Moesi.

Wiwit taen 1926, Missie ngrikoe menggali prakawis onderwijs. Sakawit ngawontenaken H.C.S. nanging boten dados; ladjeng ngedegaken H.I.S. Prakawis kasarasan oegi kapanggali. Kala Sept. '26 Missie ing ngrikoe nglijer hospitaal partikelir.

Taen 1927, Palembang saged ngedegaken K.S.B. lan ngedalaken serat kabar minggon anama *Katholiek Leven*.

Tanggal 13 Aug. 1929 Missie ngrikoe saged ngintoenaken tjalon-imam ingkang sapisanan dateng seminarie-alit ing Menado.

Ing Palembang gadah Pastoe 3, Broeder 1, lan Zuster 14. Tjatanging tijang Katholiek wonten 938.

Sekolahanipoen 5, moeridipoen 325. Kedjawi poenika gadah internaat kanggé laré èstri bangsa Éropah, lan laré djaler bangsa Priboemi.

Katholiek ing Schotland.

Tjatang djiwanipoen tijang Kath. ing Schotland goenggoeng kempal sampoen wonten 600.000.

Tjatanging Imam: 662; tjatanging Missionaris saking ngrikoe 268. Tjatanging Grédja 455, sakolahan-sakolahan 227.

lan ing Ngajogja. Koemisi poenika ingkang tjalon mboedidaja sagedipoen njirnakaken vrouwenhandel.

Trèm èlektris.

Kawartosaken wiwit 1 Mei ngadjeng poenika, kadjawi goederentrein satoenggal, sepoe Betawi — Bogor badé loemampah elektrisch.

Pamedal S. S. lan N. I. S.

Pamedal S. S. tanah Djawi ing woelan Maart '30 wonten f 4.542.393; oet. soeda 645.333 tinimbang kala Maart '29. Déné ing sadjawining th. Djawi soedanipoen f 16.304.

Kwartaal I ing taen poenika, manawi katanding kalijan kwartaal I taen '29, soedaning pamedal S. S. ing tanah Djawi f 2.231.831, déné ing tanah sabrang f 96.102.

N. I. S. woelan Maart poenika tampinipoen soeda f 484.138 manawi katanding kalijan Maart '29. Kwartaal I taen poenika manawi katanding kwartaal I taen '29 soedanipoen f 1.669.706.

Prakawis ing Mosviba Madioen.

Manoet *Locomotif* karampoenganing paniti priksa bab prakawisipoen siswa Mosviba Madioen kadakwa nalika damel karaméjan ngemohi Wilhelmus badé kasantoenan Indonesia Raja, poenika makaten:

Sadaja siswa ingkang lepat kaokoem manoet pranatan sakolahan. Sawenèh ingkang katingal katah lepatipoen, boten dipoenilani mlebet sinaoe ngantós 14 dinten. Déné moerid ingkang kamanah dados goenggoenganipoen badé kawedalaken saking pamoolangan; bab poenika pangageng ingkang langkoeng inggil ingkang badé netepaken.

Kabar-kabar lan komentar bab lèlampahan ing Mosviba Madioen sami kelatjoeten. Ingkang makaten waoe margi directeuring pamoolangan anggènipoen ngabari dateng resident sakawit sarana tilpoen ingkang ladjeng tinampi kados oeloek-oeloek poenapa kados-poendi (alarmeerend). Ambtenaar kirang pangatos-atos, dèrèng kapriksa poenapa ladjeng wawartos dateng sanès, poenika pantes dipoen-getoeni, awit prakawis sakolahan ingkang pantjenipoen boten sapintena, ladjeng andjalari wontening gagasan-gagasan lan panganggep boten leres.

Wasana tètela bilih: 1e. pantjen boten wonten sedya babar pisan nedya mahargja rawoehipoen resi-

dent mawi lagoe Indonesia Raja. 2e. Namong wonten siswa satoenggal ingkang kerep sasrawoengan kalijan tijang golongan kebangsan, ladjeng wonten klas adapoer gegoe-djengan lan sembran anjeboet „Indonesia Raja”; prakawis makaten poenika ladjeng kémawon goeoe-goeoe kalapoeraken resident, wasana ndadosaken seling serep. 3e. Leres, pantjen wonten siswa sawatawis boten poeroen ngoengelaken Wilhelmus, margi sampoen adatipoen salebeting sadasa taen kepenger saben wonten pasamoewan makaten boten naté ngoengelaken Wilhelmus, nanging monggang. Semanten oegi toemrap pasamoewan kala samanten, laré-laré waoe gadah pamanggih boten wonten djalaranipoen ingkang kedah ngoengelaken Wilhelmus, langkoenglangkoeng déné kraméjan-kraméjan ing sakolahan ngrikoe selaminipoen tansah kaborongaken dateng para siswa. 4e. boten wonten sedya badé njantoeni Wilhelmus dados Indonesia Raja, lan wasananipoen para siswa inggih sami poeroen ngoengelaken Wilhelmus sarta njowoewon pangapoenten dateng pandjenenganipoen resident. 5e. para siswa anggènipoen boten poeroen ngoengelaken Wilhelmus waoe kabekta saking koewatos manawi ginagoe-djeng kantja - kantja ing sakolahan sanès ingkang tjalon ndatengi pista waoe (— N. B. oesoel ngoengelaken Wilhelmus waoe saking pangageng internaat énggal tw. Becker, awit kala wonten Minahasa koelinanipoen oeger ing hoofdensch. wonten pista makaten poenika mawi ngoengelaken Wilhelmus. —)

6e. kawontenan ing sakolahan waoe, saé, lalajanipoen goeroe kalijan moerid inggih soa-saé kémawon. 7e. kasoemerepan para siswa Mosviba ingkang katah-katah sami gadah raos kabangsan ingkang saé, rahajoe. Nanging wonten ingkang kerep sanget sandja ing grijanipoen golongan kabangsan, kadosta pangarsa B. O. Madijoen. Inggih leres pangarsa B. O. poenika waoe tradjanganipoen mawi doegi-doegi lan watawis, nanging adinipoen atradjang méréh. Kadjawi daja poenika, inggih kedajan saking moerid-moerid sakolahan sanès. Mila siswa Mosviba Madijoen waoe sapérangan alit inggih wonten ingkang ngandoet gagasan extremistisch. 8e. Dados kedjawi moerid sawatawis, ingkang djenggoel - djenggoelipoen ladjeng kakésahaken poenika, kawontenanipoen siswa ngrikoe saé kémawon, boten perloe kakoewatosaken.

Arta darma kanggé kasangsaran bandjir ing Parangkak.

Klempakipoen arta darma saking ngrikoe ingkang tinampi, kongsoeldjendral Parangkak tw. Bodard kanggé kasangsaran bandjir ing Parangkak wonten f 17.065.95.

Prakawis badé medjahi nonah Poppie Bekkering.

Manoet tjarijosiipoen *Aneta*, Karim bin Abdoellah saking Makasar, angakeni manawi ingkang misakit nonah Beckering badé kaangkah pedjahanipoen, poenika pijambakipoen.

Mandor dipoenpedjahi koeli.

Sum. Post. njarijosaken mentas wonten koeli 4 ing onderneming Kwala Krapok nandangi. mandoripoen, ngantos soekoenipoen sempal, njawanipoen ontjat, adoes rah. Koeli 4 waoe dipoentjepeng. Kawartosaken ingkang dados sababipoen margi poen mandor nandoekaken patrap boten saé dateng koeli-koeli waoe.

Hoofdacte.

Directeur Onderwijs & Eeredienst, anetepaken cursus oemoem kanggé hoofdacte taen ngadjeng poenika, papanipoen tjalon wonten Bandoeng.

Éwah-éwahan ing H. I. S.

Wonten kabar, ing H. I. S. prov. Djawi Tengah badé wonten éwah²an toemindak woelan Djoeli ngadjeng poenika. Toemrap moerid-moerid klas 6 lan 7 pasinaon basa boemi badé kadawahaken wantji sonten. Déné woelangan basa boemi ingkang sapoenika dawah éndjing badé kagantos woelangan basa Walandi. Anggènipoen kaéwahan makaten poenika, soepados basanipoen Walandi laré-laré H. I. S. saged langkoeng inggil. Wedalan H. I. S. sapoenika poenika kapenggali taksih kital tjara Wlandinipoen (*Bahagaia*). Tijang sadé djimat dipoentjepeng.

Ing Tandjoengpoera mentas wonten tijang Djawi sadé djimat-kadig-dajan dipoentjepeng.

Kabesmen ageng.

Kala Ngahad 13-4-'30 djam 11.30 sijang, goedang kopra gadahanipoen pabrik lisah Archa sawingking gedong Justitie Betawi, kabesmen. Kopra ingkang wonten goedang waoe 2000 pikol. Tegesipoen kapi-toen f 25.000, poenika dèrèng kapétag kalijan risaking goedang lss.

Djiwa énggal ing Digoel.

Sadèrèk *Marsoedi* (tilas klerk S. S. Soerabaja), *Goenardja* alias *Har-djasepoetra* (tilas krani Madoera Stoomtr. My), *Ahjadiredja* alias *Ahjasoeardi* (asli Bandoeng, tilas kondèktoer S. S.), toewin radèn

ONTJÈN SEKAR GAMBIR MELATI.

KASOESILAN ING DJAGAD KATHOLIEK.

PANGANGGÈNING WANITA.

(Golongan Wanita, Tijang Sepoe, lan Goeroe, kaatoeran migatosaken.)

Sw. T. 11 April njarijosaken dawoeh saking Rome angentjengi soesilaning panganggènipoen wanita.

Dawoeh waoe wonten 12 bab, ringkesaning soeraosipoen makaten:

1e. Loewih-loewih para Pastoe koedoe ora kendat mitoeoti wanita manawa njandang-mengango koedoe sing soesila. Samono oega wong-wong toewa ija adja kendat digrèthi menging anaké wadon mangango sing ora pantes. 2e. Wong toewa koedoe ngèlingi bakoening koewadjané nggoela-wentah anak prakara Agama lan kasoesilan. Moela wiwit tilik moela, anaké wadon koedoe pinardi woelang-rèh Katholiek. Katresnané marang kamoersidan, kasoesilan, koedoe katetangi sarana temboeng lan toelada. Kedjaba koewi koedoe njoedarsana Brajat Soetji: rarakitaning omahé bisaa nenarik atiné sapa baé sing mrono tresna lan nglakoni ngibadah. 3. Wong-wong toewa koedoe ngedohaké anak-anaké wadon saka oelah raga lan wedstrijd sing blak-blakan. Déné jèn ana kepeksané mèloe, ija koedoe dijaga soepaja mangango sing patrap. 4. Para panggedéning college wadon lan goeroe-goeroe wadon ing sakolahan wadon koedoe nggeolng moerid nresnani kasoesilan, mangango sing trapsila. 5e. Moerid-moerid wadon lan oega bijoeng kang mangango ora soesila, koedoe ora kena mlebo ing sakolahan lan college, oet. diwetokaké; kedjaba jèn bandjoer gèlem ngowahi. 6e. Para Zusters (Religieuzen) ora kapareng nglebokaké botjah wadon sing mangango ora pantes ana ing sakolahé, college, kapel apadéné kamar² dolan. Moerid-moerid wadon koedoe dipenging mangango sing ora ngristen. Panggoela-wentahé prakara isin toemrap patrap moerang kasoesilan koedoe sing temenan, bisaa toemanem djero ana ing atining botjah-botjah. 7e. Koedoe ngihitjari ananing pakempoelan-pakempoelan-soetji toemrap golongan wanita kang sedyané nanggoelang panganggoning wanita sing ora ngristen, apadéné ngadjokaké kasoesilan lan pangango sing pantes. 8e. Pakoempoelan wadon iki maoe ora pareng nampani warga sing panggoné ora soesila. Déné jèn ing besoeok ana wargané sing manganggoné ora patoet, wis dièlikaké mangka isih ndadra, koedoe bandjoer diwetokaké. 9e. Botjah-botjah wadon lan wong-wong wadon sing mangango ora soesila, ora kapareng nampani Sakramèn Maha Soetji: ora kalilan dadi Emban-Baptis lan Emban-Baptis-Kasantosan. Malah jèn ana perloen, mleboe Grédja baé, koedoe ora pareng. 10. Adja anglirwakaké dina-dina gedé kang matoek kanggo nglebokaké wewarah kasoesilan-Katholiek. Loewih² manawa mbeneri raja Dalem Dèwi Marjah, para Pastoe kang dadi toetoewané pakempoelan-wadon kaseboet ing doewoer, adja pada lali ngèlingaké para wanita mangango sing soesila. Ing dina raja Dèwi Marjah pinorba Soetji, sawisé winarah, ing saben Grédja ana sembahjangan mligi kanggo njoenjoewoenaké soesilaning panganggoné wanita. 11e. Raad Kabiskopan (— Dicesane Raad van Waakzaamheid —) pendak taen nganakna moesawaratan ngremboeng tjara lan ichtijar-ichtijar sing matoek déwé kanggo ngadjokaké kasoesilaning wanita. 12e. Pendak teloeng taen, Biskop-Biskop lan Panggedé lijané koedoe ngladèkaké palapoeran sing magepokan karo panganggoné wanita marang H. Congregatie v. het Concilie, barengbareng karo palapoeran prakara Agama.

Sinten ingkang ngraosaken dawoeh ing nginggil, ladjeng manger-tos bilih:

a. Pasamoewan Katholiek sanget roemeksanipoen dateng kasoesilan. b. Dawoeh ing nginggil poenika *bakoenipoen* toemoedjoe dateng kadang wanita Kath. bangsa Kilèn.

Djagading wanita Kilèn pantjen mendem: rok tjekak ndoewoer dengkoel, lengenan proetoel, krowakan ing dada ngoblak-oblak; kaos kang warnané kaja pakoelitané! Bangsa Éropah manawi soemerep tijang Dajak, Papoea sami moengel: „bangsa doeroeng tata”. Iroengipoen sami tjoengir-tjoengir! Oepami modota makaten, mindakipoen satjengkah langkoeng. Éwadéné njonjah lan nonah-nonahipoen kénging kawastanan woeda boten bédà kalijan tijang Dajak lan Papoea. ngGoemoenaken saèstoe!!

Raswararoemaksa alijas radèn mas *Soedjana* (tilas posthuiscmandant ing kasoenanan Soerakarta), sami kaboetjal dateng Digoel.

Pangiridan B. P. M.

Manoet tjarijosiipoen *Deli Courant*, B. P. M. damel poetoesan ing akiripoen woelan poenika badé noetoep pakarijanipoen ing Langsa. Poenggawa-poenggawanipoen bangsa Walandi toewin Indonèsijah badé dipoenkèndeli oetawi kapindah. Ingkang dipoenkantoenaken wonten ngrikoe namong mandor kalijan koeli sawatawis perloe andjagi gedong² lan oeroeng² ing ngrikoe.

Perscensuur.

Manoet pamirengipoen *Het Nieuws*, Directeur van Justitie pikantoe dawoeh saking Nagari ngrantjang pranatan kanggé anindakaken censuur ing serat kabar. Pers-censuur poenika waoe mbokmanawi awoedjoed ordonantie, lan taen poenika kintenkinten kémawon sampoen saged karembag wonten raad kawoela.

Para sadèrèk! Kala malem Setoe 11/12 April poenika, Patjar Mérah omong-omongan kalijan pangageng toko bangsa Walandi. Walandi waoe tanpa Agami. Kelantoe-lantoeing tijang omong-omongan, dangoe-dangoe nggepok panganggènipoen wanita Éropah! Toewan pangagenging toko waoe tjrijos: „Mijnheer, botjah djamman saiki iki, wiis ta, oemoer 8 taen baé wis ngerti ananini, tètèk-bengèk, kerlip-kerlipan! Bédà karo dèk djamankoe! Sinjo oemoer 16 taen doeroeng denger barang-barang! — „Apa sababé toewan?” — Sab, tjah saiki iki saben dina *njipati* kaanan sing ora pantes! Saben djam weroeh rok-tjekak-ndoe-woer-dengkoel; weroeh gambar reclame bioscoop saroe-saroe!” — O, ngono dadil! — Ing batos, koela kelerasan sanget. Saged pikantoe pasesèn wisanipoen moderne kleeding saking golongan ngrika pijambak toer tanpa Agami.

Pantjen! Gagraging panganggènipoen wanita Kilèn djamman sapoenika, saèstoe nggegempal kasoesilan. Saged noewoehaken tjlekoetiking gagasan warni-warni. Saged nggaraken panembah; ngrèrègoni eninging gagasan; ngegrog - egregi loehoering pangèsti; nggegaraohi tijang manoengkoe poedja! Panganggé gagrag „*alasan*” poenika noewoehaken swasana ingkang misani kasoesilaning para moeda! Mila inggih sampoen leresipoen, Pasamoewan Katholiek kentjeng sanget anggènipoen nanggoelang prakawis poenika.

Maos dawoeh ing nginggil, koela ladjeng kèngetan nagari Itali, tanah doengoening kadatonipoen Wakil Dalem, inggih kradjanipoen sang misoewoer ing djagad Mussolini! Nagari poenika, sadèrèk, sanget anggènipoen ngreksa kasoesilaning kawoelanipoen. Saking pamawas koela, boten wonten nagari ing Éropah ingkang pangreksanipoen dateng kasoesilan, dateng angger-angger VI, kados nagari Itali. Ing nagarinipoen fascisten poenika, panganggènipoen wanita kedah: a. Boten kénging kesingseten, metinting-metinting, kesemrawangan! Lengenan kedah doemoegi oegel-oegel. b. Rokipoen laré èstri kedah noetoepi dengkoel. Déné rokipten prawan-prawan lan tijang èstri kedah doemoegi oegel-oegel soekoe. c. Boten kénging nganggé kaos semrawang, oet. kaos ingkang warninipoen sami kalijan pakoelitan (zie *Koerier* 25 Juli '29).

O, moegi nagari - nagari Éropah sanèsipoen samia njoedarsana pradja Itali.!!!

Wasana, sanadyan dawoeh poenika bakoenipoen toemrap wanita bangsa Kilèn, nanging prajogi oegi winigatosaken Wanita Kath. Indonèsijah. Awit, koela inggih kerep kémawon soemerep Wanita Katholiek Djawi nganggé rasoekan kain gelas, traping rasoekan saklangkoeng ambeset. enz.! Malah wonten Klatèn Patjar Mérah naté mregoki kenja Katholiek ingkang sadjakipoen gandroeng moderne kleeding gagrag Éropah! Kadjawi poenika ing kalangan Wanita Kath. Djawi inggih wonten ingkang madjeng dateng sport. Ingkang makaten waoe, jèn lèna, ndrawasi!!!

O, sadèrèk aloening modernisme ingkang saged nglaroetaken kasoesilan Wétanan, kedah kita *prajitnani!!*

Kumuningsaselé 13 April '30.

Taklim: *Patjar-Mérah*.

Padagangan laré èstri. (Laré èstri tiga badé kasadé).

X. wonten ing *Sin Po* njarijosaken lalampahanipoen laré èstri tiga oemoer 12 — 14 taen, asal saking Koetawinangoen Keboemèn, dipoensadé. Laré waoe dipoenapoesi badé dipoensoekani pandamelan. Kala 24 Maart laré katoempakaken baita sareng-sareng koeli kontrakan katah ingkang badé dateng Médan. Dr. Saeddin ingkang kala semanten ndilalahipoen oegi noempak baita waoe, migatosaken laré tiga kaseboet ingkang tansah nangis lan boten ngrèwès koeli - koeli kontrak sanèsipoen. Sasampoenipoen dipoenpitakèni, dokter Saeddin ladjeng mangretos laré èstri 3 waoe dédè pangoenggilanipoen tijang kontrakan, nanging badé dipoensadé dateng Singgaper. Rikala kapal kèndèl wonten Singgaper soedagaripoen (kadji) katingal madosi laré waoe. Kala semanten, kanti pitoeloenganipoen kaptin kapal, poen laré sam-

*) zie kabar ing kolom 4 poenika, Red.

M. v. BIENE.

Toekang herlodji dan Toekang emas.

Adres jang moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAË TOEWIN AWÈT
INGGIH NAMOENG

MERK GAZELLE

INGKANG AWOEDJOED

ALCYON }
DUNLOP } RIJWIELEN
R. I. W.

Nitjil kénging! – Kentjèng soekoer!

GAZELLE HUIS – ROEMAH GIDANG
MALIOBORO – DJOKJA – TELF. 508.

KALAU BELI OBAT - OBAT

DJOKJA mémang tiada maoe pakai per-
toema, melainkan boeat djaga
kesèhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO „RATHKAMP” MALIOBORO
soedah terkenal berapa banyak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA „RATHKAMP” DJOKJA
tanggong beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

Lair kanti willoedjeng

ing dinten Djoemoewah **28 Maart 1930:**

IRMINA - NÈSTRI - HARDJAPRAWATA.

BATANG 14 - 4 - '30.

NGATOERAKEN:
BEKTI, TAKLIM
lan
POEDJI RAHAJOE,
ING

DINTEN RIAJA PASKAH.
Brajat A. S. Dwidjasaraja.

Toko DJOEN & Co., Djocja.
PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannja.

ROTIE-ROTIE, KOEWEE-KOEWEE dan
BESCHUIT-BESCHUIT KERING.

SROETOE-SROETOE dan ROKOK-
ROKOK, jang haloes dan kasar.

Djoega slamanja djanjan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengken, harga per
pond f 0.90.
Boliu datang saksiken!

Memoedjiken dengan hormat
Toko DJOEN & Co.

TOKO BARANG-BARANG
H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak - anak;
Tempat tidoer, lampoe gasoline, dan
— permainan boeat anak-anak ketjil. —

Semoea barang paling djempol, dan
moerah sekali!

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet
namoeng kantoen ngagem; **sablèg netto 10 kilo: f 8,50;**
5 kilo: f 4,50.

PABRIK TJET R.B. FRIELING,
Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30 - 6.-8.	Pekalongan ⁸⁾ 7.30.	Soerabaja:
Amboina 7.30.	Lawang ⁵⁾ 7.	Pemalang ³⁾ 7.30.	Kepandjèn 6-7-9.
Bagan Siapi-api 7.30.	Madioen 6-7.30.	Pemangkat 8.30.	Anita Boul. 6-7.30-9.
Bandoeng 6-7.30-9.	Magelang 7-9.	Poerwokerto 7.30.	Soerakarta 6-7-8.30.
Benkoelen 7.30-9.	Makassar 6-7.30.	Poerworedjo 7-8.30.	Tandjoeng Balai 7.30.
Blitar 7.30.	Malang 6-7.15-8.30.	Pontianak 7-8.30.	Tandjoeng Karang 8.
Buitenzorg 6-8.	Manado 6-7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30-8-8.30 (tjina).	Salatiga 7.30.	Tara-Tara 7.30.
Djember 7.30.	9.30 (mal.).	Sambas 6-8.30.	Tegal ²⁾ 7.30-9.30.
Djokja:	Medari ⁶⁾ 7.30.	Sambong 8.	Tering 7.
Kampementstraat Eur. 7-9.	Meester Corn. 7-9.	Sawah Loento 7-8.30.	Tjilatjap ⁸⁾ 7.30.
" Jav. 6-8.	Mendoet 6-7.30.	Sedajoe 7.	Tjimahi 6-8.
Kota Baroe 6-7.30.	Modjokerto 6-8.	Sedjiram 5.45-8.30.	Tomohon 7-8-9.
Djombang ¹⁾ 7.30.	Moentilan 5-6-8.	Semarang: 8.	Wates ⁷⁾ 7.
Fort de Kock 7.30.	Muntok 8.	Gedangan 6-8.	Weltevreden:
Gandjoeran ²⁾ 7.	Ngawi ⁷⁾ 7.30.	Bangkong 6.30-8.30.	Waterlooplein 5.45-7-9.
Gombong ³⁾ 7.30.	Padang 7-8.15-9 (tjina).	Tjandi 7.30.	Kramat 6-8-9 (mal.).
Keboemen ⁴⁾ 7.30.	Padang Pandjang 7.30.	Randoesari 7-9.	Wonosobo ⁸⁾ 7.30.
Kediri 7.30.	Pajakoembo 7.30.	Singkawang 6.30-9.	Woloan 8.30.
Klatèn 7.30.	Palembang 7-9.	Soekaboemi 6-7.30.	
Koeta Radja 6.30-8.	Paseroean ¹⁾ 7.30.	Heuvel 5.30.	

¹⁾ 1e. Achad. ³⁾ 2e. Achad. ⁵⁾ 1e., 2e., 4e. Achad. ⁷⁾ 3e. Achad.
²⁾ 1e. + 3e. Achad. ⁴⁾ 1e. Achad tiao² doea boelan. ⁶⁾ 2e., 4e. Achad. ⁸⁾ 3e. Achad.

poen kapapanaken dr. Saoeeddin wonten klas kalih. Laré waoe la-
djeng kabekta dateng Médan, kapa-
srahaken mevr. mr. Koesoema Soe-
mantri. (Laré waoe sapoenika sam-
poen kawangsoelaken).

Pakempalan wanita P.P.I.I. mi-
gatosaken prakawis poenika.

Poesering wèrek njadé laré èstri
poenika sadjakipoen ing Médan,
Singgapoer, Mr. Cornelis lan Poer-
wardja oet. Keboemèn, awit saben-
saben ing ngrikoe wonten wartos
laré èstri dipoentjolong. Semoe-se-
moenipoen wèrek laré èstri waoe
inggi sasambetan kalijan mandor
kontrak. Manawi boten klebet dados
koeli kontrak, ladjeng kasadé dateng
Singgapoer kalijan regi 200 — 300
dollar saben prawan satoenggal.

(Lalampahan ing nginggil poenika
dadosa pèpèngetipoen para ingkang
kagoengan poetra èstri, langkoeng-
langkoeng ingkang kasekolahaken
wonten papan sanès! Langkoeng
prajogi ingkang poetra èstri kale-
betaken wonten internaat, tinimbang
kapoerih ngladjo srana prebijèt!
Red. Sw. Tm.).

Manoet Aneta taoen kapengker
poenika biro-negari kanggé nang-
goelang padagangan tjang lan laré
èstri ngoeroes 191 prakawis ingkang
magepokan vrouwenhandel. Praka-
wis semanten poenika ingkang 84
kaloewaran, ingkang katah-katah la-
djeng sami kakésahaken saking Indo-
nésijah. Ingkang sami nglampahi pa-
damelan makaten waoe mèh sadaja
bangsa Tionghoa. Tetijang poenika
waoe sami kapotrèt; Potrètipoen won-
ten 5000 kakintoenaken dateng pa-
ngageng-pangageng ing ngriki lan ta-
nah-tanah sabrang. Bab padagangan
laré, biro waoe ngoeroes 104 laré
djaler dèrèng ngoemoer, lan 32
laré èstri dèrèng ngoemoer. Ing sa-
poenikanipoen, goenggoeng kempal

biro waoe ngreksa immigranten laré
563 ingkang dèrèng oemoer 17 taoen.
Laré immigranten dèrèng ngoemoer,
ingkang késahipoen pijambakan, poe-
nika laré-laré ingkang kasadé kada-
dosaken koeli.

Secretaris Departement Marine.
Toewan J. J. M. Th. Beck, secre-
taris Alg. Rekenkamer, kaangkat
dados secretaris Dep. Marine.

Béja palaboeahan.
Ing kwartaal I taoen poenika, pi-
kantoekipoen arta béja ing pala-
boehan Tg. Prijoek, manawikatanding
kalijan kwartaal I taoen kapengker,
soeda f 230.000.

Peken - malem Semarang.
Béndjing 26 Juli — 10 Aug. ing
Semarang badé wonten peken-daloe.
(Bahagia).

Parésidénan kadadosaken
satoenggal.
Paréntah badé ngitjali parésidénan
pinten-pinten ing Djawi Wétan la-
djeng kadadosaken satoenggal ka-
lijan parésidénan sanèsipoen, soe-
pados ing bawah Soerabaja wonten
parésidénan ingkang radi ageng we-
wengkonipoen. Déné parésidénan
ingkang tjalon kadadosaken satoeng-
gal waoe, i. p. parésidénan Soera-
baja kalijan Madjakerta, Madoera
Kidoel kalijan Madoera Wétan, Ma-
dijoen kalijan Panaraga, Gresik ka-
lijan Bodjanagara. Kadjawi poenika
wonten pamanahan andadosaken
satoenggal parésidénan Bandawasa
kalijan Djember. (Soer. Handelsbl.).

Mr. Soemantri badé kaboetjal?
Wonten ing papriksan, Nagari
saged pirsas boekoe-code gadahani-
poen Mr. Soemantri. Codeboek waoe
isi adrèsipoen tjang kominis ing
sadjagad. Nalika dipoenpitakèni,
soeka katrangan bilih Codeboek
poenika waoe dipoenanggé gegaman

sinaoe pijambak. Code poenika waoe
code ingkang kapigoenakaken nalika
perang ageng ing Éropah. Nanging
prakawis poenika dèrèng saged
ngawrataken sariranipoen Mr. Soe-
mantri. Doemadakan nalika poelisi
nangkep kominis Soebakat poenika,
angsal archief-ipoen kalih grobag.
Ing arschief waoe tjrijosipoen won-
ten ingkang nedahaken bilih Mr.
Soemantri naté dados goeroe wonten
satoenggiling Sovjet-Universiteit ing
Moskou, lan oegi pinanggih wonten
pinten-pinten correspondentie. Mar-
gi makaten waoe, kabariipoen Mr.
Soemantri badé angèl ngoengkiri
pandakwa - pandakwa ingkang toe-
moedjoe dateng sariranipoen. Malah
manoet *Bintang Timoer* — Mr. Soe-
mantri badé kaboetjal, namoeng pa-
panipoen dèrèngsaged katamtokaken.
Katjarjosaken oegi bilih ngendat-
ipoen kominis Soebakat poenika
margi prihatos déné arschief-ipoen
dawah wonten tangingan poelisi.

Wadoek énggal.
Aneta martosaken Negari sampoen
ndawoehaken damel wadoek wonten
Pendjalin (Tegal) kanti wragad
f 190.000, lan direktoer B. O. W.
kaparingan koewaos ngedalaken
arta f 146.000 kanggé preloe poenika.
N. I. Landb. Mij de Koloniale
Bank lan Ned. Handel Mij, badé
toemoet mikoel ragad waoe kanggé
ondernemingipoen gendis 4 enggèn,
kanti maximum f 1000 ing dalem sa-
bin sebaoe ingkang tjalon angsal
toja saking wadoek waoe.

Kantor kaboepatèn kapriksa.
Kantor kaboepatèn ing Sérang
kapriksa tw. resident pijambak. Pra-
kawis poenika dados gedering nga-
katah. Déné sababipoen saking goe-
gating soedagar Tionghoa kekalih
ingkang wongsal - wangsoel neda
langkoenganing paos mertjon taoen

1929, nanging tansah kaeobang-
oebeng kémawon.

Resident Putman Cramer anggèn-
ipoen nindakaken papriksan pijam-
bak waoe dados pamanahipoen ti-
jang katah, awit oegi mriksa sadaja
arta administratie kaboepatèn (*Bat.*
Nieuwsbl.).

Actie ngitjali laré èstri dèrèng
ngoemoer main wonten opera.
Loedjinah Oeroesan Kaoem Pe-
rempoean dan Gadis gadahanipoen
Sarikat Pemoeda Islam (Jong Isla-
mieten Bond) mentas ngatoeraken
serat dateng burgemeester Betawi
njoewoen soepados ing gemeentè
Betawi wontena awisan ngawisi la-
ré-laré èstri ingkang dèrèng oemoer
14—16 taoen main wonten ing ope-
ra-opera (setamboel).

Organisatie I.E.V.
Begrooting 1930 anerangaken le-
beting kontribisi tjalon 30 sèn ×
12500 × 12 = f 45.000. Arta seman-
ten poenika wewah anakan f 5000,
dados wonten f 50.000. Arta se-
manten poenika inggihi kanggé mba-
jar secretaris, penningmeester f 1000,
lan warga pangrèh sanèsipoen won-
ten ingkang kablandja f 450,—
f 300,— f 200,— sapengandap.

Begrooting kanggé orgaanipoen
ingkang medal saminggoe sapisan,
anama *Onze Stem*, makaten: Arta
lengganan 12.400 × 50 sèn sawoe-
lan. Poenika wonten f 74.400 ing
sataoen. Advertentie ing sataoen
f 30.000. Dados arta mlebet kanggé
orgaan waoe wonten f 104.400. Da-
dos saking organisatie lan orgaan
kémawon, sataoen arta ingkang mle-
bet wonten f 50.000 + f 140.400.

Mirit balans tn. '29, kasoegeh-
ipoen I.E.V. mèh satengah joeta
wonten ingkang katoembasaken aan-
deel *Bat. Nieuwsbl.*, wonten ingkang
kalebetaken ing Escompto, wonten

ingkang mlebet ing Gisting kanggé
voorschot kolonisten, wonten oegi
ingkang mlebet ing Studiefonds.

Babatèn panjadéjan pananggalan
kémawon kala tn. '29 wonten f 21.000.
Studiefonds mèh wonten f 100.000
ingkang loemampah, lan kala taoen
kapengker sampoen wonten ingkang
mangsoelaken f 21.000. (*Onze Stem.*)

MANTJA NEGARI.

AMÉRIKA.
Djanganipoen Henry Ford.
Radja-montor toewan Henry Ford
nerangaken sateroesipoen badé nan-
djakaken bandanipoen langkoeng sa-
king 100 miljoen dollar kanggé pa-
sinaonipoen laré langkoeng - lang-
koeng babagan techniek lan pada-
ngangan. Toewan waoe tjarijos ma-
katen: „Sing sapa soegih, kawadjiban
nandjakaké bandané sing betjik.”
Anggènipoen moengel makaten, poe-
nika boten ateges toewan Ford la-
djeng badé moendoer saking kalangan
dagang. Malah wonten New York,
pijambakipoen ngedegaken onderne-
ming taxi, ingkang ladjeng ndjalari
paséwan taxi mlorot 20 %.

PARANGAKIK.
**Parangakik — Indo-China gan-
dèng srana tilpoen.**
Salebetipoen minggoe kapengker
poenika sasambetan tilpoen Parijs—
Saegon wiwit kabikak.

SEPANJOL.
Vrouwenkiesrecht.
Premier Sepanjol Djéndral Be-
renguer mentas poenika soeka soe-
mèrep dateng pangarsaning Pakem-
palan Wanita, gravin Morena, asoe-
raos: béndjing pilihan warga par-
lement, golongan èstri sampoen
kénging njawoengaken kandidat.